

خلفه د و غرو

۱۱ نیسان ، ۱۳۳۹

میری : مهول سائر

ادراخانه :

استانبولده نور عثمانیه جاده سنده
۴۰ نومرولی « تورك يوردى »

هفته ده بر نورل يوردى ، طرفدن حقایق

صایسی ۱۰ پارهیه

« خلفه د و غرو »

نك دائمی یازیبیلری

خالده ادیب خام ، آق چوره اوغلی یوسف ، احمد آغایف ،
توفیق نورالدین ، جلال ساهر ، حسین زاده علی ، حمدالله
صبیحی ، عاقل مختار ، عبدالفیاض توفیق ، علی جانب ، علی علوی ،
غالب بختیار ، کاظم نامی ، کوپرلی زاده محمد فؤاد ، کوك آلپ ،
محمد امین . محمد علی توفیق ، ممدوح شوکت بکار .

خلفك دیدكلری

بز سکز اون یازیبی برلکده بررؤیا کوردك : یشیل
بر اووا ایچنده ایدك . اونه ده بریده باطافقلر یاپان کو چوك
کوللر ، صو بیریکینتیلری واردی . یامه لر کینمش ، ضعیف
بر اختیار قادین ایریلی اوقاقلی یاورولریله بر تارلاده باشاق
طوپلوردی .

بوقادین بزى کورونجه یانمزه کلدی .

— اولادلرم بنی طانیه بیلدیکزمی؟ دیدی .

بز طانیه مادینمز ایچون اوتانه رق باشمزی اوکمه
اکدك وهیچ سسمزی چیقارمادق . اوزمان ، چکدیکی
یوقسوللقلر یوزنده بللی اولان قادینجغز تترهك ویانیق
بر سسله ، ایچنی چکهرك دیدی که :

— طانیه بیله چککزی مأمول ایتیموردم آ ، سز بنی
یوزلرجه سنه لردن بری هیچ برکون آرامادیکز ؛ جالمی ،
خاطر می صورمادیکز . بنی زدن بیله چکسکز ! بن ،
صیراسی کلدکه بوتون صوچلری اوزرینه آتدیغکز
خلقم . کندی نامنه حکم سوردیککز ، حاکمیتک وکیللری
اولارق میدانه چیقدیغکز اهالی می ، ملت . سز کاغدلر
ایچنده کومولمکدن باشقا بر شیئه یارامایاجق قانونلر ،

نظاملر یاپدیکز ؛ بن کندی عادتلریمی ، جانلی قانونلر یاپارق
حیاتی بوکونه قدر صاقلادم .

سز آ کلامادیغ لقتلرله دولو ییغین ییغین کتابلر ،
جریده لر چیقاردیکز . بن عاشق غریبلر ، کرملر ، کور
اوغلور دوزهرك روحی اونلرله آووتدم . سز کلاملر ،
تصوفلر ، فلسفلر ، دهرین دهرین علم کتابلری یازدیکز .

بن اونلردن هیچ برشی آ کلامادیغ ایچون دینی مزرراقلی
علم حاللردن ، الهیلردن ازکره نمکه چالیشدم . سز بنی

آرامادیکز ، بن سزی آ کلامادم . آرتق سزدن امیدیمی
اوزدم ؛ اصلاحات دییه یاپدیغکز ، یاپاجغکز شیلری

دیگله میه حکم . بن کندی کندی اوقوداجم ، کندی کندی
اصلاح ایده حکم ، ترقیه کندی آدیلمله کیده حکم .

ابتدایک بر دیل ، بر ادبیات لازم . دینی ، اخلاقی ، اقتصادی ،
اجتماعی معلومات لازم . بونلری کندی کندی ایدینه حکم .

اسکی ییپرامش آتلمی آتارق یکی ما کنه لر قوللاناچم .
طوپراق سورمکی ، حیوان بسله مکی ، کوی اداره ایتمکی ،

پول یامی ، مکتب آچمی اوکره نه حکم . کیزلی دویغولرمی ،
شعور سز منفورلرمی قلمدن چیقاره رق اورتایه قویاچم .

دینک اساسلرینی بولارق کرچکدن اسلام امتی اولاجم .
بواشی یایمق ایچون بو کوردیککز آج ، چیلایق ،

صیتمه لی اوغلورمله ، زوالی ، یوقسول قیزلرمله چالیشمغه
نیت ایتدم . سزده بنم اولادلرم دکلیسکز ؟ سزده یایمه

دیگکزی ، یالانچی بیلکیلر کزی ، بوش وفایده سز غرور .
لرکزی بر اقارق بکا کلیر ، بنله برابر چالیشیرمیسکز ؟

بوسوز اوزرینه اویقرن اویاندق .

همیزی غریب بر شاشقینلق ، دهرین بر حیرت



یورومشدی... نه دن سوکرا کندیمزه کاه رک بو کور دیکمز
روایی تعبیر ایتدک .

فقط بوتعبیر من سوزده قالمادی؛ ایش شکنده اورتایه
چیقدی . چونکه اویوقسول قادینجغزه یاردیم ایچون
هفته لق بر جریده اولارق بو «خلقه دوغرو» یی چیقارمغه
باشلادق .

خلقه دوغرو

پولوان ولی

هند سلطانی طوپلایه رق بر کون اولو بر دیوان
وزیرلردن صورتی : هیچ بر یرده هیچ بر پهلوان
طویدیکزمی (دیونجه) یه اوستون اولسون یا اقران؟
هپ صوصدیلر ، بویوک وزیر قالقدی ، دیدی سلطانه :
« پادشاهم ! خوارزم ایله (پولوان ولی) آکیلیر .
بریکیکیت وار ، تورکستانده (کوچ تاگریسی) طانیلیر .
سلطان دیدی : « بلکه تورکلر بوطننده یاکیلیر ،
(دیونجه) یی کوندردم ، ایشی قویسون میدانه .
خوارزم شاهه مکتوب و یروب دیونجه یی کوندردی .
یازدی : « [دنیا پهلوانی] شیمدی یه دک بواردی ،
هر طرفک ارلرینی ایشته یره بو سردی ،
کلدی میدان او قویه جق سزک ولی پولوانه .
دیونجه نک آناسی ده کیتمش ایدی یاننده
مسلمانندی ، ولیلکه ایمان واردی جاننده
(پولوان ولی) آدی قورقو طوغورمشدی قاننده
دیمش ایدی : « کیده یم ده یالواردیم رحمانه .
هند کروانی اوچ آی سوکرا کلدی خوارزم ایله ؛
مکتوب ایله آزمغانلر دکدی خانک الله ،
پهلوانلر کوره شمه سی دوشدی خلقتک دیلنه
بوتون خیوه اهالیسی حاضرلاندی سیرانه .
خوارزم خانی هنوز اسلام اولمامشدی ، کاووردی
« هانکی بری یکیلیرسه آصیله جق ! » بویوردی

وزیرلری : « پولوان ولی پوته طاپان بویوردی
اسلاملغه سوققده در . » دیمشلردی قاغانه .

پولوان ولی دعا ایچون کیزلی اولان مسجده
کیتمشدی ؛ بر قوجه قادین آغلیوردی محفله :
« یارب ! اوغلم یگلمسون ! آجی بزه و هنده
دیونجه یی آصارلر سه بن دونه م وطنه .

بر تانه جک اولادمدر ، آجی بکا اللهم !
اودر بنم کوکلم ، جانم ، محبتم ، پناهم ؛
نه اونک بر قباحتی وار نه بنم کناهم
قییمه بویله بیگ ییلده بریتشمه یی آرسلانه .

قییمه اسلام ییکیتیدر ، محمدک آرسلانی
سندن آلمش بوقوتی ، بو کووده یی ، بوجانی ؛
سنگ عرشک دکلیدر اونک تمیز وجدانی ؟
قییمه که بر مجاهددر وقف ایتشم قرآنه ! »

بویالواریش یورکنده اویاندردی برفراق
پولوان ولی کوزلرندن اینجی یاشلر آقهرق
دیدی : « تا کریم ! بو اختیار قادین بندن مستحق ؛
دعاسنی قبول ایله ، بن راضی یم خسرانه ! »

کورهش کونی تللال خلقی کوک اووایه چاغیردی ؛
صوکی اولوم اولدیغیچون هرکس روحاً آغیردی ؛
پولوان ولی چیقدی « الله الله » دیه باغیردی
کوکلرده بر معنوی حس باشلادی طغیانه .

دیونجه ده آنه سنک اللرینی اوپه رک
صاغلام آدیم ، قوی ایمان ، متین ، کوجلو بر یورک
ایله کلدی ، دیدی : « کیمدر بنمله بوی اولچه جک ؟ »
سلام ویردی قارشیننده طوران اونلی دشمنانه .

پولوان ولی اوکمه وعدی اونوته رق صالدردی ،
هان دمیر بیلککلره دیونجه یی قالدردی ؛
سوکرا طوردی کندیشنی قصداً یره چالدردی
تک بویوزدن بر دینداشی اوغرامسون زیانه .